

Kullorsuarmi ulluunerani paaqqinnittarfik

(Hans Enoksen, Partii Naleraq)

Akissuteqaat

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Siullermeerneqarnera

Naalakkersuisut ilisimavaat meeqperiviit ingerlalluartut meeqqat ineriartornerinut sunniuteqarluartartut.

Naalakkersuisut nalunngilaat Kullorsuarmi angerlarsimaffimmi paaqqinnittartumik ataatsimik peqartoq ualikkullu meeqqanut pingasuniit arfinilinnut ukiulinnut sammisaqartitsinissamut neqerooruteqartoqartartoq. Sunngiffimmi sammisassaqartitsinerup tungaatigut meeqqanut inuusuttunullu sukisaarsarfiusinnaasunik fritidsklubeqarlunilu ungdomsklubeqarpoq.

Siunnersuuteqartup Hans Enoksenip, Partii Naleraq, soorlu ilisimareeraa, kommunit meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaanni nr. 16, 3. december 2012-meersumi § 5, imm. 1 naapertorlugu kommunit akisussaaffigaat. Meeqqanut suli atualinngitsunut paaqqinniffiusinnaasunik naammattunik amerlassusilinnik ullutsinnullu naapertuuttunik pilersitsinissaq kommunit akisussaaffigaat. Kommunit aamma akisussaaffigaat paaqqinnittarfinnik ullutsinnut naleqquttunik sanaartornissaq. Namminersorlutik Oqartussat suli atualinngitsunut paaqqinnittarfinnik pilersitsinermut atatillugu inatsimmi siuliani taaneqartumi § 28, imm. 2 aamma isumaginninnermi sanaartukkanik ineriartortitsinissamik pillugu kaajallaasitaq nr. 213 naapertorlugit kommuninut tapiissuteqarsinnaapput. Namminersorlutik Oqartussat paaqqinnittarfinnik pilersitsinernut amerlisaanernullu atugassanik aningaasartuutit 50 %-ii tikillugit kommuninut tapiissuteqarsinnaapput.

Namminersorlutik Oqartussat kommunit suleqatigalugit nuna tamakkerlugu meeqperiviit meeqqallu atuarfiisa illutaasa pitsaassusaannik pisariaqartitsinernillu misissuinissamik aallarnisaalerput. Pitsaassutsimik pisariaqartitsinermillu misissuinerup taassuma kommunit sanaartornerup tungaatigut tulleriarinissamut tunngavissaqartilissavai nunalu tamakkerlugu periusissiornissamut tapertaassalluni. 2014-imi kontomi pingaarnermi 84.40.17-imi, Meeqqanik inuusuttunillu paaqqinnittarfiliornissanut (sanaartornermut aningaasaliissut) 10 mio. koruunit immikkoortinneqarsimapput 2015-imullu aningaasanut inatsisissatut siunnersuummi nunaqarfinnut illoqarfinnillu minnerusunnut samminerusunik meeqperiveqarnikkut annertusaanissamut aningaasaliissutit amerlaqatai immikkoortinneqassasut siunnersuutigineqarluni. Ilinniartitaanermut, Kultureqarnermut, Ilisimatusarnermut ilageeqarnermullu Naalakkersuisoqarfiup kommunit oqaloqatigilereerpai qanoq aningaasaliissutaareersimasut timitalersorneqassanersut.

Ilinniartitaanermut, Kultureqarnermut, Ilisimatusarnermut ilageeqarnermullu Naalakkersuisoqarfiup taamaammat aamma Qaasuitsup kommunia sanaartornermut tunngasut

pillugit oqaloqatigilereerpaa. Qaasuitsup kommuniata oqaatigisaareerpaa meeqqanut ukioqanngitsuniit arfinilinnut ukiulinnut illumik siunertanut arlariinnut atorsinnaasumik pilersitsisoqarnissaa kommunip kissaataasa annerit ilagigaat.

Naalackersuisut nalilerpaat maanna sulisoqalereersoq sanaartorerup tungaatigut tulleriarinissamut tunngavigineqarsinnaasumik. Naalackersuisut taamaammatt tunngavioreersut aallaavigalugit innersuussutigissavaat aalajangiiffissatut siunnersuut ilalernerqassasoq.